



樂齋詞

河內向鎬豐之

水調歌頭

短棹艤湍石華月滿汀洲應知孤客無寐特地照離憂  
誰念姮娥單枕寂寞廣寒宮殿亦自

憐我塵滿袖雪盈頭兩鄉千里紫

恨何事不歸休遙想閨中今夜夜久寒生玉臂猶自倚  
高樓別淚入湘水歸夢遶鄜州

念奴嬌

木犀

霜威淒緊政悲風搖落千山羣木十里清香方盛賞岩  
桂嬌黃姹綠九畹堪叢東籬落葉到此成窳俗孤標高  
遠淡然還媚幽獨 惟悴詩老多情問佳人底事幽居  
空谷日暮天寒垂翠袖愁倚蕭蕭修竹林下神情月邊



風露不向雕欄曲殷勤惟有篆烟留得 餘韻

滿庭芳 壽妻母高令人

玉粉勻梅麴塵浮柳畫簷遲日融融金猊噴麝庭戶轉  
香風好是閒居戲綵壽觴舉和滿春容須知道閨門孕  
秀佳氣在簾櫳 無窮觀盛事年年此會拚醉金鐘又  
何須西池高宴仙宮畫把喬松壽兼大國秦虢重封那  
堪更門闌多喜女婿近乘龍

青玉案

別時拭淚花無語但一味教郎住此日扁舟遊遠浦雨  
晴雲樹月斜烟樹目斷家何許 紅牋不寄相思句人  
在瀟湘鴈回處屈指歸期秋已暮千里路兩三頭緒恨  
不飛將去

又

多情賦得相思分便覽斷愁和悶萬千般說不盡喫他  
圈指被他拖逗佛也須教恨 傳消息無憑信水遠  
山遙怎生奔夢也而今難得近還知道為伊成病便死  
誰能問

小重山

翡翠林梢青黛山小樓新罨畫捲珠簾碧紗窗外水按  
藍凭欄處相對玉纖纖 人散酒闌珊夜長都睡皺唾  
花衫一灣殘月下風簷凌波去羅襪□□□

踏莎行

萬水千山兩頭三緒憑高望斷迢迢路錢塘江上客歸  
遲落花流水青青暮 步步金蓮朝朝瓊樹目前都是

傷心處 蜚鴻過盡 沒書來 夢魂依舊 陽臺雨

蝶戀花

費盡東君無限巧 玉減香銷 回首令人老 夢遶嶺頭歸  
未到角聲吹斷 江天曉 燕子來時春正好 寸寸柔腸  
休問愁多少 從此懽心還少 少少凭欄一任桃花笑

臨江仙 再到桂林

瘦損東陽緣底事 離愁別恨 難禁夜長 誰共擁孤衾 來  
時青鬢在今已 二毛侵 流水青山 依舊是 欄撓往事  
空情一番風雨 又春深 桃花都落 尋贏得是清陰

又

亂後此身何計是 翠微深處 柴扇即今 雙鬢已如絲 虛  
名將底用真意 在鴟夷 治國無謀 歸去好 衡門猶可

栖遲不妨沈醉 典春衣 人生行樂 耳須富貴 何時

武陵春 藤州江月樓

長記酒醒人散後 風月滿江樓 樓外烟波萬頃秋 高檻  
冷颼颼 想見雲鬢香霧濕 斜墜玉搔頭 兩處相思一  
樣愁 休更照鄜州

阮郎歸

隔籬疎影照橫塘 東風吹暗香 隴頭歸路指蒼茫 江南  
春興長 偏小院靜 回廊有人憑短牆 角聲驚夢月橫  
窻 此時能斷腸

南鄉子 白石鋪

臨水窻兒與捲珠 簾看畫眉 雨浴紅衣驚起後 爭知水  
遠山長 各自蜚 受盡孤栖極目風煙說與誰 直是為



他憔悴損尋思怎得心腸一似伊

西江月

流水斷橋衰草西風落日清笳往來贏得鬢邊華此去  
征鞍休跨 烟澹綠深陂篠霜籬紅老江花青山盡處  
是儂家擬喚漁舟東下

又

門柳疎疎影日井桐策策翻秋蕭條不似那時遊只有  
山光依舊 別久猶夢牽去夢懷多還惹新愁吹簫人在  
鴈回州不管沈郎消瘦

又

竹寺清燈永夜江城黃葉高秋當時文物盡交游激更為  
笛聲懷舊 牢落一身羈思風流萬斛詩愁強邀從事

到青州酒病綿綿越瘦

又

抵死漫生要見偷方覓便求歡十分贏得帶圍寬剗地  
如今難戀 枕畔水沈烟燼床前銀蠟燒殘鴛衾不覺  
夜深寒計取有人腸斷

又

別後千思萬想眼前一日三秋小街欄檻記追遊料得  
新粧依舊 自笑非常蒂帶為他無限閑愁莫將離恨  
寄廊州聞道腰肢愈瘦

虞美人

臨安客店

酒闌歌枕新涼夜斷盡人腸也西風吹起許多愁不道  
沈腰潘鬢不禁秋 如今病也無人管真箇難消遣東

隣一笑直千金爭奈茂陵情分在文君

又

寶梳半脫文窻裏玉軟因誰醉錦鴛應是懶薰香口我  
水村孤酌減疎狂此行縱有千金笑情味如伊少帶  
圍寬盡莫教知嫌怕為儂成病似前時

南歌子

路盡湘江水人行瘴霧間昏昏西日度巖關天外一簪  
初見嶺南山北鴈連書斷新霜點鬢斑此行休問幾  
時還準擬桂林佳處過春殘

點絳脣

屈指新冬肅霜天氣重陽後授衣時候蘭菊香盈袖  
此日生申維嶽鍾神秀傾名耐篆添金獸共祝如椿壽

減字木蘭花

多情被惱枉了東君無限巧真箇愁人一片輕飛減却  
春欄干凭暖目斷綵雲腸也斷兩岸青山隱隱孤舟  
浪接天

朝中措

平生此地幾經過家近奈情何長記月斜風勁小舟猶  
渡烟波而今老大歡消意減只有愁多不似舊時心  
性夜長聽徹漁歌

憶秦娥

我瀟索別來先自情懷惡情懷惡日斜庭院月明簾幙  
輕離却似於人薄而今休更思量著思量著肝腸空  
斷水雲遼邈



攤破醜奴兒

自笑好癡迷只為俺忒聰離兒近來却得傍人道貼兒  
上面言兒語子那底都是虛脾樓上等多時兩地裏人  
馬都飢低低說與當直底轎兒擡轉喝聲靠裏看俺麼  
裸而歸

好事近

清曉渡橫江江上寒霜白寂寞斷橋南畔有一枝春色  
玉肌孤瘦恰如伊此際轉相憶且道這些煩惱看幾  
時休得

點絳脣

和麗德美韻贈楊伯原

蕙怨蘭愁玉臺羞對啼粧面懶勻香臉不放眉峯展  
幽恨誰知錦字空傳遠何時見為郎腸斷不似郎情淺

阮郎歸

湘南樓上好憑欄西風吹鼻酸宦游何處不驚湍白鷗  
盟已寒空飲恨廢追歡沈郎衣帶寬故人休故酒杯  
乾而今行路難

如夢令

道人書郡樓

舊恨新愁無際近水遠山都是西北有高楼正為行藏  
獨倚留滯滯留家在吳頭楚尾

又

次韻子文邢文

夢斷綠窻鶯語消遣客愁無處小檻俯青郊恨滿楚江  
南路歸去歸去花落一川烟雨

又

書白方觀寺壁

直面雨輕風峭極目水空烟渺家在武陵溪無限壑譏

峯謂歸好歸好睡足一江春曉

又書弋陽樓

樓上千峯翠巘樓下一灣清淺寶簾酒醒時枕上月華  
如練留戀留戀明日水村烟岸

又

楊柳千絲萬縷特地織成愁緒休更唱陽關便是渭城  
西路歸去歸去紅杏一腮春雨

又

野店幾杯空酒醉裏兩眉長皺已自不成眠那更酒醒  
時候知否知否直是為他消瘦

又

誰伴明窻獨坐和我影兒兩箇燈燼欲眠時影也把人

拋鞦無那無那好箇恁惶底我

又

厮守許多時價誰信一籌不畫相送到碁園贏得淚珠  
如瀉揮洒揮洒將底江州司馬

長相思

桃花堤柳花堤芳草橋邊花滿溪而今戎馬嘶 千山  
西萬山西歸雁橫雲落日低登樓望欲迷

又

行相思坐相思兩處相思各自知相思更為誰 朝相  
思暮相思一日相思十二時相思無盡期

菩薩蠻

小樓不放珠簾捲菱花羞照啼粧面金鴨水沈烟待君



來共添 鵲聲生暗喜翠袖輪纖指細細數歸程臉桃  
春色深

又

雲屏月帳孤鸞恨香消玉減無人問斜倚碧琅玕蕭蕭  
生暮寒 低垂雙翠袖袖薄輕寒透庭院欲黃昏凝情  
空斷魂

清平樂

次韻王武子寄遠

離愁萬斛春思難拘束瘦盡玉肌清徹骨感損兩眉脩  
綠 畫屏羅幌輸君文鱗錦翼尤勤長記酒醒香冷笑  
將髻子 人

卜扇子

寄內

休逞一靈心爭甚閑言語十一年間並枕時詎沒箇牽

情處 四歲學言兒七歲嬌癡女說與傍人也斷腸你  
自思量取

士平四歲解言慶道七歲猶癡皆是病損又是孺人  
所妳故特及之耳

趙待制遺稿

吳興趙雍

玉耳墜金環

即燭影搖紅

乳燕交飛曉鶯輕囀花深處畫堂簾幕捲東風晴雪飄  
香絮猶記當時院宇悄寒輕梨花暮雨繡衾同夢鴛枕  
雙倚綠窗低語春已闌珊落紅飄滿西園路彊拈鍼  
線解春愁只是無情緒無奈年華暗度黛眉顰柔腸萬  
縷章臺人遠芳草知煙萋萋南浦

浣溪沙

楊柳樓臺鎖翠煙楊花簾幕

拍

香緣佳人何處隔江山

芳草已生千里恨玉笙吹徹五更寒  
深和淚倚闌

干

又



落盡楊花滿地春絲陰如染淨無塵日長庭院掩重門  
斜墜金釵雲半鞦澹粧香臉粉輕勻相思偏是少年  
人

憶秦娥

春寂寂重門半掩梨花雪芳心如醉暗思當日金釵  
欲墜烏雲側佳人望斷天涯客今年又過清明寒食

踏莎行

畫角聲殘金爐烟裊長空澹澹連芳草朱簾半捲晚霞  
明寒鴈無情音信杳雨散雲收離多會少相思真箇  
令人老不須惆悵且開懷一樽滿引愁如掃

攤破浣溪沙

春草萋萋綠漸濃梨華落盡晚來風試問相逢何處好

小樓東朱箔影移無限恨玉簫聲轉曲將終獨倚闌  
干誰是伴月明中

蝶戀花

顏色如花肌似雪嬌眼轉波密意曾低說羅帶同心愁  
未結情多不忍成輕別別後相思心更切異日重逢  
鏡裏花難折寶篆香銷煙漸歇玉簫吹徹黃昏月

浣溪沙

翠鏤蛾眉別恨濃羅衣初怯春風相思只為兩西東  
簾捲玉鉤雲澹澹香消金鴨雨濛濛此情都在不言中

蝶戀花

枝上流鶯千轉巧好夢方成又把入驚覺臨鏡慵粧眉  
澹掃羅衣寬盡肢腰小別久啼多音信少應是嬌波

不似當時好簾捲東風深院悄落紅滿地和芳草

南鄉子

別久漸生愁知為音書苦未此際多情應盼我凝眸帶  
得啼痕上小樓舉止忒風流只在城綠水頭咫尺藍  
橋重欲見無由兩地相思甚日休

人月圓

人生能幾渾如夢夢裏奈愁何別時猶□眸盈秋水寒  
汗濕春羅綠楊臺榭梨花院宇重想經過水遙山遠  
魚沉鴈杳分外情多

又

相思何日重相見山遠水偏長鳳弦雖斷鸞膠難接愁  
滿離腸最傷情處鮫綃遺恨翠靨留香故人何在濃

陰深院斜月幽窻

江城子

仙肌香潤玉生寒消無言思綿綿無限景情分付與春  
山青鳥能傳雲外信憑說與帶圍寬花梢新月幾時  
圓再團樂是何年可是當初真箇兩無緣極目故人天  
際遠多少恨凭闌干

又

五陵衣馬恣轉輕肥競新奇亦何為溷處賢愚誰與辨雄  
雌任爾刺天何足道終不肯羨群飛燕山花落暮春  
時杜鵑啼勸誰歸耿耿孤忠惟有此心知天賦我才終  
有用應不至負心期

燭影搖紅



新綠成陰落紅如雨春光晚當年誰與種相思空羨雙  
飛燕寂寞幽窗孤館念同遊芳郊秀苑香塵隨馬細草  
承輪都成腸斷別久情深幾時重約閒庭院高樓終  
日捲珠簾極目愁無限莫恨藍橋路遠有心時終須再  
見休教長怨鏡裏孤鸞篋中團扇

水調歌頭

春色去何處春去尚微寒滿地落花芳草漸覺綠陰圓  
馬足車塵情味暑往寒來歲月擾擾十餘年贏得朱顏  
老孤負好林泉寶裝鞍金作鐙玉為鞭須臾得志紛  
華滿眼縱相謾功名自來無意富貴浮雲何濟於我亦  
徒然萬事付一笑莫放酒杯乾

木蘭花慢

恨匆匆賦別回首望一長嗟欲執手臨流遲遲去馬浩  
浩平沙此際黯黯腸斷奈一痕明月兩天涯南望孤舟  
漸遠今夜向誰家別來自日未曾過如隔幾年華縱  
極目層崖故人何處淚落蒹葭聚散古今難必且乘風  
高詠木蘭花但願朱顏長好不愁水遠山遐

附王國器作

菩薩蠻

題黃大癡畫卷

青山不趁江流去數點翠收林際雨漁屋遠模糊煙  
村半有無大癡飛醉墨秋與天爭碧淨洗綺羅塵  
一巢栖亂雲

踏莎行

題破窻風雨為性初徵君

潤逼疎櫺寒侵芳袂梨花寂寞重門閉檢書剪燭話

巴山秋池回首人千里 記得彭城逍遙堂裏對床  
夢破簷聲碎林鳩呼我出華胥恍然枕石聽流水

戊申四月初八日鈔訖 荃孫校

錢塘汪氏振綺堂本

龜巢詞

武進謝應芳

驀山溪

遣悶至正丙申作

無端湯武弔伐功成了賺盡幾英雄動不動東征西討  
七篇書後強辨竟無人他兩箇至誠心到底無分曉  
髑髏滿地天也還知道誰解輓銀河教淨洗乾坤是好  
山妻笑我長夜飯牛歌這一曲少人聽徒自傷懷抱

沁園春

丁酉春寓墩錢氏寫懷

冷笑班超要覓封侯棄了毛錐看今來古往虛名何用  
朝榮華夕憔悴浮世堪悲老我衣冠傍人籬落賴有平  
生鐵硯隨西莊上對溪山如畫鷗鷺忘機 相逢喜得新  
知更不用黃金鑄子期把胸中磊塊時時澆酒眼前光  
景處處題詩輕帽簪花柔茵藉草時復樽前一笑嬉沈



酣後任南山石爛東海塵飛

滿庭芳

四月錢夢弼出妓為陸文迪壽邀僕賦贈

玉雪梨渦錦雲桃扇紫簫雙鳳和鳴舫  
初棹烟遶博山青最喜清和天氣綠陰靜  
梅雨初晴高齋裏馬融書帳風捲絳紗輕  
華年纔許幾培風健翮曾試修程歸來  
林下閒聽松聲笑道葵花似我芳心在  
向日長傾黃河水如今重看朝暮還清

沁水曲

壬戌歲旦枕上迷懷

四海烟塵一櫂風波經行路難幸兒孫滿眼布帆無恙  
夫妻白首青鏡猶團笠澤西頭碧山東畔又與梅花共  
歲寒新年好有茅柴村酒薺菜春盤  
傍人莫笑儒酸已爛熟思之不要官任伏波強健驅馳馬磻溪遭遇

棄擲漁竿霜滿朝鞞雷鳴衙鼓何似農家睡得安閒寺  
裏喚山童把觥野老交歡

自和

晨起對雪後寫餘懷

雪壓新年花開想遲鶯來難甚喜杯有屠蘇春風盪盪  
盤餘首首藉朝日團團六十年來尋常友際江海鷗盟總  
不寒移家處每涉園成趣居谷名盤忘情世味心酸  
但吟得新詩似得官儘教我低頭三間茅屋從他高步  
百尺危竿白首無成蒼生應笑不是當年老謝安琴書  
裏且消磨晚景受用清權

又和

屋東老梅一株隣家有竹百餘箇相近雪窗撫玩復此和此曲

竹與梅花偃蹇冰霜堪稱二難我依梅傍竹借人茅舍  
吟風弄月坐箇蒲團梅樣精神竹般標致遮莫清臞未

是寒柴門外好一湖春水似拍銀盤 昔人恨橘多酸  
我只笑青松也拜官每醉時低唱滄浪一曲閒時高卧  
紅日三竿兒輩前來老夫說與梅要新詩竹問安餘無  
事只粗茶淡飯儘有餘歡

蘇武慢 贈徐伯樞

蘭雪衣衿芝雲冠佩咳唾成珠玉芳草萋迷蓬萊杳渺  
皎皎白駒空谷濯髮滄洲怡顏芳樹樂甚從伶絲竹問  
天生湖海元龍豪氣肯令消縮 君不見二陸聯芳三  
芳蘇接武聲動九重黃屋天上碧日邊紅杏真是快人  
心目拂袖東膠出門西笑莫戀故園松菊看濁河流水  
重清齊唱太平遺曲

滿江紅

吳江阻風

怪底春風要將我舡兒翻覆行囊裏是群賢相贈數篇  
珠玉江上青山吹欲倒湖中白浪高如屋幸年來阮籍  
慣窮途無心哭 歸去也餅無粟吟嘯處居無竹看造  
物怎生安頓老夫盤谷寒食下水村相伴沙鷗宿問客  
懷那有幾多愁三千斛

一剪梅

壽安玄卿

一色蒼然兩阿翁年也相同月也相同六年湖海共飄  
蓬烟也冥濛雨雨也冥濛 移家今住葑門東朝也相  
從蓬暮也相從何當歸隱舊山中桃也春風李也春風

風入選

寄朱原道  
為生日賀

梅花折去一枝春人在太湖濱天生襟度容江海每開  
樽坐客如雲此日醉看蓬矢吾兒應吐華茵 湖光山



色淨無塵魚鳥總情親  
姑蘇臺上遙相望  
見湖山如見伊人  
綠髮年華全盛白眉聲譽方新

風入松

梅花

歲寒心事舊相知  
相別去年時  
如今重觀春風面  
比年時消瘦些兒  
天上玉堂何在  
人間金鼎頻移  
風塵不染素羅衣  
脉脉倚柴扉  
桃根桃葉爭春媚  
儘教他濃抹胭脂  
老我揚州何遜  
壠頭誰為題詩

金縷衣

表叔度新居

卜宅椒園裏  
響丁丁  
風斤月斧  
梁飛起  
窗戶青紅烟樹綠  
焜耀碧山隣  
里雞共犬也知輪  
美燕子飛來堂下舞似輕盈  
掌上人堪喜  
更可愛新桃李  
長洲水接松江  
水好秋風鱸魚尊  
尊菜葑田菰米  
艷屋神仙羅綺楚

舞吳歌娛晚景  
內臺盤春筍  
奉甘旨  
五馬貴未足擬

沁園春

壽杜默齋時致仕寓吳門僧舍吾家與隣居焉

脫屣紅塵移家碧山  
娑羅樹邊有兩兒  
冠帶眼前騰踏  
諸孫文采膝下聯翩  
石几林香冰甌滌重  
註義經得異傳  
餘無事但觀雲  
默坐聽雨高眠  
龜巢幸與相連  
飲湖水清如飲菊泉  
問絳人甲子今踰四百  
皇家鐘乳何用三千銀艾  
忘情玉枝無汗一味清閑  
足引年昇平也  
看天恩賜帛雪髮垂肩

西江月

秋暮簡友人索酒

老大無人青眼  
淒涼奈爾黃花  
秋來杯酌斷流霞  
兀對江山如畫  
夢裏去尋東老  
覺來欲喚西家  
山童羞說未能賒  
報道點茶來也



風入松

辟兵青龍食蘿蔔有感

青龍地脉土酥香產玉似崑岡可憐不入瑤池宴到冰  
壺風味淒涼忽憶故園時序春盤春酒羔羊青絲生  
菜菲芽黃銀鏤染紅霜桃花人面柔荑手酒微酣象箸  
頻將鼙鼓一聲驚散六年地老天荒

西江月 題畫

綠樹雲林宵窈青苔石磴縈紆兩人林下曳長裾應是  
山中巢許空谷似聞樵斧危橋不斷徵車誰來為我  
借茅廬來與白雲同住

南鄉子 過王景逸溪居

四柱接平蕪一曲清溪似畫圖燕子日長溪館靜菰蒲  
風洒軒窗暑氣無林叟話樵蘇相送東橋日已晡啼

鳥不知人禁酒葫蘆教我提來那處沽

摸春子 早春作

看東風柳搖金縷精神頓美如許獨憐老我雙蓬鬢無  
復少年張緒桃葉渡任山水清妍可奈非吾土借人茅  
屋但有客相過清茶淡話閒與論今古傷心處客去  
卧聽鼙鼓看花渾在煙霧姑蘇臺榭笙歌散麋鹿又如  
前度誰恁悞教無限蒼生墮顛崖苦蒹葭州渚賴有  
箇扁舟三竿釣竹相伴閑鷗鷺

水調歌韻 中秋言懷

戰骨縞如雪月色慘中秋照我三千白髮都是亂離愁  
猶喜淞江西畔張緒門前楊柳堪繫釣漁舟有酒適清  
興何用上南樓擐金甲馳鐵馬任封侯青鞋布襪且



將吾道付滄洲老桂吹香未了明月明年重看此曲為  
誰謳長揖二三子煩為覓菟裘

憶王孫 和熊元修蘇州感興

銅駝淚濕翠苔茵落地花如墮玉人可是東君不惜春  
問花孫海變桑田幾度新

齊雲一炬起紅烟傾刻烟銷事已遷折戟沈沙月爛舡  
問祈連安得河清億萬年

水調歌韻 茅仲良初度席上賦

秋色淨如洗南極瑞光多秦駐山中隱者弧矢挂烟蘿  
野老敲門看竹珍重主人留客呼酒瀉金荷為問春秋  
多少笑道明年六十勲業蹉跎 萬鍾祿千駟馬待如  
何洛陽城市又看荆棘卧銅駝且喜階前玉樹五色鸞

雖俱好把此琴瑟和一曲華胥引雙鬢雪兒歌

洪武九年秋余卜居千墩嘗作水調歌今也人事  
乖違欲還故土故復和前韻以述其情并以留別  
吳下諸友時十三年六月初也

牙齒豁來久老氣尚橫秋買得歸耕黃犢兒輩幸無愁  
相近六龍城下只在三家村裏結屋小如舟倚樹覽山  
色且免賦登樓 看官爵都不似醉鄉侯里翁閒話便  
同學士坐瀛洲寄語東吳朋友乘興能來溇浦艤舟聽  
漁謳無酒不須慮解我破貂裘

滿庭芳 熊元修席上次韻

塵拂風生薰爐烟裊劇談天上人間馮夷擊鼓白鳳舞  
崑山驚倒五陵年少聽三老口角鳴湍江南好梅前菊



後天氣帶微寒 客來雖話別重歌舊曲不是陽關笑  
間雲似我去時還最喜烽烟盡息青天淨一鏡團團重  
來也尋盟漚鷺訪竹問平安

點絳脣 初度作

七十年前抱麟虛負雙親夢一襟空洞生世曾何用  
老我東門瓜也無心種松醪甕瀉如鉛汞時與漁樵共  
海上歸來鬢毛枯似經霜草薄田須少茅屋園池小  
三子犁鉏三婦供蘋藻村居好兔園遺稿是我傳家寶  
弧矢休懸舉杯聊適棲遲意明朝冬至有酒還沉醉  
堪笑神仙要作長生計人間世金烏西墜難把長繩繫  
老眼猶明著書未了餘生債客來休怪淡飯黃齏菜  
踏雪觀梅清興依然在南門外夜來尋戴扶醉馱驢背

點檢龜巢素琴絃斷餘何有夫妻白首相敬如賓友  
三四孫兒五色斑斕袖梅花酒為翁稱壽羅拜爺娘後

沁園春

無錫縣令生日招飲而作

借問黃花過了重陽如何始開為客中陶令逢他初度  
尊前杜舉要我相陪十日秋香百年晚景一笑今朝酒  
莫推風光好正涼生沉瀝淨洗氛埃 胸中華岳崔嵬  
下筆處長江滾滾來且折花簪帽劇談清事引盃省劍  
聊適幽懷健翮低雲修鱗蹭蹬人道公非百里才還知  
否那黃河清也白日悠哉

水調歌頭

再和寄酬表子英蕭寺

六載遠相憶一日似三秋別後雪添蓬鬢著述遣窮愁  
幾度欲尋安道溪上片帆飛去興盡復回舟明月出東



海隱躍見瓊樓 喚龍伯擊鼉鼓舞陽侯何時杯酒重  
歌蘆葉舊汀洲多謝寄來雙鯉白雪陽春數曲為我和  
巴謳什襲付兒輩好學製弓裘

南樓令 壽陳縣丞

赤手拔鯨牙長安早看花竟春風百里桑麻柳色宮袍  
銀束帶親受賜玉皇家 鼉鼓報朝衙桑弓挂綠蛇拜  
雙親杯捧流霞只恐哦松哦未了天上去又乘槎

八聲甘州 為友人贈醫士

喚常娥白兔下蟾宮玉杵搗玄霜自林蘭古鼎心融靈  
素默契岐黃不假殘膏賸馥時俗共傳方用我上池水  
遍洗膏盲 家住六龍城裏有舊家風月三徑蒼筤更  
一林新栽紅杏軟生香問年來活人多少輒然微笑說

尋常誰能為寫成佳傳汗竹流芳

滿庭芳 夏五雨窗言懷

十里橫山一灣流水東洲蕞爾孤村移來田舍水山對  
衡門老我無能為矣犁鉏事付與兒孫湖田上黃梅雨  
足蛙鼓聲喧 親朋三四老鬚眉雪白言笑春溫每攜  
手相過清事閑論坐把山光水色茅柴酒傾倒匏樽章  
臺路馬蹄塵土不到紫苔痕

又寄江叔廉

雞犬相聞溪山如畫梅花只在前村逍遙杖屨不過程  
公門前度春風已老對芳草還憶王孫長安市看花人  
去車馬爭喧 向來東海上水南水北如石如溫念  
漚冷詩盟何日重論老我蓬蒿三徑開懷抱賴有琴尊

公知否蕭齋雨漏四壁篆書痕

菩薩蠻 七夕作

鋒稜磨盡方藏拙老懷羞對天孫說風葉動清商依稀似九章飄蕭雙鬢雪卧看灣灣月月缺有時圓人無再少年

水調歌頭 再和前韻

青白阮生眼皮裏有陽秋誰信近來懷抱汨汨泥窮愁昨夜僧房聽雨如在瀟湘夜泊欹枕卧孤舟無復少年日解佩醉秦樓更休說爛羊慰尉爛羊侯三山湖上如今田舍住東洲傾洞十年金革蓬勃一襟塵土白雪向誰謳濯足傍雲水披我老羊裘

水調歌頭 代陳氏謝徐彥銘

玉杵搗靈藥丹鼎養芙蓉城市山林小隱家住驛橋東況是南州高齋更欲上池真液冰雪烟心胸醫國手初試在處起疫癘種陰德方寸地繼頤翁活人多少滿林新植杏花紅遮莫南山石爛又復瀛洲水淺都付笑談中刮目看塵表黃鵠駕天風

沁園春 寄希尹

憶昨秋風送書畫舫過楊柳洲把錦囊傾倒燈花共喜棹歌歸去詩草仍留坐榻高懸家童偶語此客尋常頗見不襟懷好比子猷尋戴別樣風流別來一日似三秋且喜花時可勝遊要尋山問水春申故國賦詩驪酒季子高丘醉帽簪花吟茵藉草莫笑疎狂老未休同來也有堂前舊燕江上盟鷗



點絳脣 和林韻

往古來今何人不道閒居好忙多閒少應被青山笑  
蒲柳衰顏我獨驚秋早茅齋小幾番掀倒風雨都濕了

風入松 賀宜興殷伯賢遠回

孤舟浪打石尤風霹靂浪聲中布帆喜得歸無恙繫長  
橋閒似漁蓬蛟渚如今寂寂鷗波依舊溶溶 秋花開  
到雁來紅金菊對芙蓉一襟磊落都澆去飲紅灰如飲  
黃封睡到日高三丈從他衙鼓逢逢

點絳脣 謝萬仲禮惠綵

彩翼雙鳧寄來一幅天機錦純錦絕品將意何勤恁  
歲晚空山不怕冰霜凜西風緊便添袍緼被德吾無隱

八聲甘州 寄無錫錢夢弼

記年時東走避風塵隨處覓桃源偶相逢一笑峽山西  
畔喬木參天百尺元龍樓上下榻許高眠鼓我匏巴瑟  
魚鳥欣然 每日春風池館有竹林諸阮醉袖聯翩要  
簪花捧硯常挾兩飛仙又安知桑田變海竟飄零老去  
雪盈顛綈袍外故人餘意肝胆雕鐫

滿庭芳三闋 五月十二萬拙齋

此是曲水河也  
神仙有無安居華屋即是蓬壺榴花也學紅裙舞燕雀  
相呼水晶盤饌供麟脯珊瑚鈎簾捲蝦鬚吹龍笛擊鼉  
鼓年年初度長日盡歡悞 風流醉翁褊褊袖舞窈窕  
歌童琵琶要與知音共換羽移宮玉蓮杯將酒供金蕉  
盃歸厨凍歡聲哄年年醉中岸幘藕花風 橫山翠屏  
藏龍古井走馬長汀四時花竹多風景勝似丹青好兒

郎天生甯馨好時節日見昇平氛埃淨年年壽星光照  
望雲亭

水龍吟

題曹德祥水竹居

舊家金谷園林盡隨海變桑田了一灣流水一林修竹  
菟裘將老瀟洒軒窗波光隱映筆牀茶灶但溪無六逸  
林無諸阮誰想與論懷抱不用滄洲洗耳聽風前此  
君清嘯黃金臺上儘教塵土騁車爭道魚鳥情親漁樵  
邂逅不時談笑看古來行路難行真箇是閒居好

賀勝朝

馬公振見訪以詞留別喜而和之

吳淞舊雨相隣住喜復來今雨那時因遇十年艱險劍  
頭炊黍如今相見衰顏醉酒似經霜紅葉湖山佳處  
登高望遠遍題詩去

滿江紅送馬公振

舊約尋梅蹉跎過小春時節忽隴頭人至一枝先折喜  
見春風顏色好縞衣不受緇塵澗把十年湖海舊相知  
從頭說三滄江上滄洲雪千墩下珠林月似許詢支  
遁總皆清絕重看青山攜素手此情方解相思結待隔  
湖冰泮柳風清孤舟發

沁園春

自述

笠澤東頭翠竹漁莊滄洲釣舡看三江雪浪烟波如畫  
一蓬風月隨處留連巨口鱸魚團臍螭鱗坐飲蓬窗醉  
即眠蒹葭畔不收笊箸意若忘筌向來四海戈鋌好  
戰艦都成赤壁烟笑痴兒航海空尋蓬島漁郎失路漫  
說桃源漚社盟寒歌聲斷續烟水寥寥數百年玄真子



有家傳舊曲重扣吾舷

鵲橋仙 寄汪南軒

青年去了青衫破了舊日青氈無了一時清興未能除  
說語故人知道 春花春好秋花秋好每日看花尤好  
人生沽酒買花錢消得杖頭多少

一剪梅

三首寓意寄故人

崑岡火烈去年時玉也灰飛石也灰飛雀長鳧短總休  
提善有天知惡有天知 今年快活保妻兒歌也相宜  
舞也相宜揮金如土醉如泥休負佳期莫負佳期  
東風吹醒老梅枝南也芳菲北也芳菲月明半夜五更  
時笛也解吹角也爭吹 青松澗底獨離奇寒也誰知  
煖也誰知老夫聊為一戲歛梅也題詩松也題詩

一天和氣盡春暉桃也芳菲李也芳菲若教風打雨淋  
漓紅也塵泥白也塵泥 花前把酒插花枝歌也相宜  
舞也相宜雀長鳧短總休提長也天知短也天知

江城子

五月十二壽萬拙齋

去年今日瀉瓢天水滔滔斷藍橋阻我群仙鸞鶴赴蟠  
桃猶有桑羊偏喜跳且舞上山椒 今年南極見丹霄  
射金焦瑞光搖澆去胸中磊塊儘醅醕莫厭琵琶彈舊  
曲長聽取鬱輪袍





